

11 d 66 (2878), f. 5

מכתב של יהודה בן מוסי נ"ע בן סגמאר, אלכסנדריה, אל עלון הכהן בן יעיש אלפרנס אלנאמן, פסטאט, אדר ב' 1085

G 78 f 11

(8)

~~X~~

Oxf. Bodl. d 66 (2878) 5

הנהגה  
היא

כפי הנראה  
הוא  
(ולכן תראה)

הוא 10

- 1 ענדי מן אלשוך אלי מולאי אלפרנס אלנאמן אטאל אלל בקאה
- 2 ואדאם עזה ונעמאה וכבת אעדאה מא יעלמה אלכאלק עז וגל
- 3 ואלכאלק סבהאנה יקרב אסבאב אלאגתמאע קריבא ברחמתה
- 4 ולו וצפת לה אדאם אללה עזה מא עליה מן אלשכר לה ואלתנא
- 5 עליה ואלוצף למחאסנה לטאל פי דלך אלשרח ואלכאלק גלת קוראָה
- 6 יחסן תנאה וירזקה אחריית טוב ואנא אדל עלי מולאי אלפרנס
- 7 אדאם אללה עזה ואתקל עליה אדא ענת לי חאגה ונעלם אנה יפעל
- 8 פיהא כמא גרת עואידה מעי וסבב כתאבי הדא אן קד ענת לי
- 9 אליה חאגה סאלתה אן ינוב עני פיהא ויפעל מעי פיהא מא קד
- 10 אלפת מן תפצלה ודאלך אני אנתמעת פי כוני באלמהדיה חית
- 11 סאפרת אליהא מנד סניאת מע אלשיך אבי אסחק אברהם
- 12 בן פרב אלרחבי אדאם אללה עזה וכאן ביני ובינה צדאקה
- 13 וצחבה פאבצר ענדי קסעה ענבר ואחד. וזנהא עב
- 14 אוקיה אביץ מן אלתיאב אלדביקי פסאלני אן נביעהא סנה
- 15 פקלת מא אביעהא נחמלהא צחבתנא .. פקאל לי אלשאם
- 16 (א) ביע לך פלם יזל בי אלי אן בעתה נצפהא עלי אנה יכדמני
- 17 פימא יכצני מנהאן חמל אלקסעה צחבתה אלי אלשאם ווצל
- 18 סאלם ואבאעהא מן תמים בן מסעוד ביע חסן ואכד באלתמן
- 19 בקם וחאל סער אלבקם ענדה ואבאעה עלי אלרום בזאיד
- 20 נצף אלמאל וכתבה ענדי תסהד בדאלך וקאל אנא נחמל
- 21 מא יכצן אלי אלמגרב וכ(תבת) לה אן יסלם מא יכצני
- 22 אלי אבן אכי פסאפר ספרתיין ולם יסלם שי פכתב לה עלי
- 23 יד צבי סגרב יערף אבן בנאיא סאלתה אן ידפע לה וקלת

הוא מן מנהגם מן מנהגם מן מנהגם

